

Došlo je vrijeme da parlamentarci omoguće Mostarcima da izaberu svoje lokalne predstavnike



Sutrašnja sjednica Parlamentarne skupštine BiH pruža dugo očekivanu priliku da se konačno Mostarcima omogući da ostvare svoje osnovno pravo da biraju vlastite lokalne predstavnike.

„Pred samu objavu predstojećih lokalnih izbora, vrijeme je da se konačno doneše odluka kojom će se omogućiti provođenje lokalnih izbora u Mostaru ove godine. Pozivam i očekujem od svih delegata i političkih partija koje su predstavljene u Parlamentarnoj skupštini BiH da sutra odigraju konstruktivnu ulogu kako bi se konačno usvojile izmjene i dopune Izbornog zakona BiH, čime bi se ostvarila provedba odluke Ustavnog suda o Mostaru. Želim naglasiti koliko je važno da se ovo pitanje grada Mostara riješi na način koji je dosljedan odluci Suda i koji je pravno utemeljen, ali isto tako na način kojim se neće dijeliti grad, posebno ne duž nekadašnjih linija razgraničenja. Od građana Mostara se ne može očekivati da još čekaju kako bi mogli glasati, niti se Mostar treba vezivati za neko drugo pitanje. Vrijeme je da se ponovo obavežemo na reintegraciju i da vratimo Mostar na pozitivan kurs“, rekao je visoki predstavnik.

Također je naglasio da „međunarodna zajednica sa velikom pažnjom prati kako će se stranke angažirati na ovom pitanju

pred sutrašnju sjednicu. Sposobnost rukovodstva stranaka da rješava pitanja kao što je pitanje izbornog sistema za Mostar važan je pokazatelj napretka BiH“.